



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Petri De Dusburg, Ordinis Teutonici Sacerdotis, Chronicon
Prussiae**

Petrus <de Dusburg>

Francofurti ; Lipsiae ; Regiom. Pruss., 1679

Cap. XXXVI. De Henrico de Plauen Magistro Generali.

urn:nbn:de:hbz:466:1-11850

potuisset, si tantam cladem tunc fuissent passi. Absurdus plane est Commendator Vincentii Kadlubkonis Polonici Scriptoris, qui centum & triginta millia & quadringentos de Cruciferorum exercitu cecidisse scribit in *Comment.* ad lib. II. Epist. 14. p. 145. Quantus Polonorum hic loci occisorum fuerit numerus itidem parum compertum est. Sunt qui sexaginta milia numerant, alii numerum augent. Chronicon quoddam, quod citat Hennebergerus, dicit centum triginta quinque millia Polonorum, Tartarorum & Russorum periisse. Sed fides habenda est Auctori nostro, qui hoc ex iis habet, qui ipsi pugnæ interfuerunt. Vid. Caspar. Henneberg. in *Comment.* ad Tab. Pruss. pag. 446. Casp. Schuz. lib. 3. Chron. Pruss. fol. 102. Matthias de Michovia lib. 4. c. 43. Jodocus Ludovicus Decius lib. 2. de *Familia Jagellonis*. Cromerus lib. 16. Heribodus lib. 13. c. 5. Joach. Cureus in *Chron. Siles.* fol. 119. Salomon Neugebauerus lib. 5. Hist. Polon. pag. 270.

CAP. XXXVI.

De Henrico de Plauen Magistro Generali.

Post mortem Ulrici de Jungingen in bello interfecti, (a) electus est Henricus de Plauen, Dominica ante Festum S. Mariæ, cuius electioni interfuerunt (b) Magister de Almannia & Livonia. Tunc Civitates hujus terræ ad Dominos nostros redierunt, quæ post bellum compulsa Regi Polonorum homagium præstiterunt.

ANIMADVERSIONES.

(a) Vel potius se ipsum elegit. Post pugnam enim Tannebergensem non nisi tres Ordinis fratres ex potentiori Nobilitate superstites fuere, nemirum Henricus Reus à Plauen Vicesgerens Magistri generalis & Commendator Schwetzæ, Michael Sternbergius Provisor Neosori, & Henricus Reus à Plauen prioris Henrici patrelis Commendator Gedanensis. His ceteri Fratres liberam, quem ex numero suo vellent, eligendi potestatem detulerunt. Alter Plau-

venio-

veniorum & Sternbergius, ut numerum Candidatorum imminuerent, specie honoris Vicesgerentem hinc excludere conati sunt. Concesserunt enim ipsi soli jus Magistri eligendi, certa spe freti, Plavenium non se ipsum, sed modestius gratia unum ex illis Magistrum Ordinis generalem proclamaturum. Sed Playenius Vicesgerens, praeter spem, semetipsum, ut sibi proximus Magistrum Ordinis Teutonici proclamavit. *Vid. Schluizius lib. 3. Chron. Pruss. fol. 105.*

(b) Electioni Magistri generalis ex lege solebant interesse Magistri Provinciales, ut habetur in Consuetudinibus Ordinis.

CAP. XXXVII.

De

Obsidione castri Mariæburg.

POst obtentam victoriam & spoliorum divisionem præfatis Principes Rex Poloniae & Witoldus cum exercitu suo magno & forti antè Mariæburg venerunt, castrum circumvallantes tripli exercitu. Primus fuit Regis Poloniae, qui jacebat circa S. Georgium, & in Wildenberg. Secundus fuit Witoldi Lithuanorum & Ruthenorum, qui jacebat in pomero & horto castri in via, qua itur in Elbingum. Tertius exercitus fuit Tartarorum, qui sistebat in pratis castri, & circa fluvium Nogot. Omnes isti ipsum castrum machinis, bombardis & aliis instrumentis impetu potentissimo die noctuque impugnabant, per menses duos & ultra. Videntes autem Poloni, quod nihil ad libitum perficerent, quia Castrenses fortissime resistebant, diversas excogitabant fraudes & versutias, quomodo more vulpino Civitates & castra obtainere possent, & non sunt fraudati à desiderio suo. Quinimò Civitates aliquas per fraudes & dolos obtainuerunt, ut Thorun Civitatem cum castro; Strasbourg castrum cum Civitate; Svvetze oppidum sine castro, & consequenter Christburg, Olsterode, Grudentz, Redden, Stum, & sic de aliis. Sed

Iii 3

quia

